

摘藻堂四庫全書薈要

子部

欽定四庫全書薈要

子部

御定淵鑑類函卷四百三十

七八

詳校官兵部主事臣雷純

欽定四庫全書薈要卷一萬一千八百八十五

子部

御定淵鑑類函卷四百三十七

鱗介部一 龍

龍一

原說文曰龍鱗蟲之長春分而登天秋分而入川順也

增又曰龍行曰龍龍飛曰龍原廣雅曰有鱗曰蛟

龍有翼曰應龍有角曰蚪龍無角曰螭龍

毛詩名物解曰龍五百年

有角千年為應龍

增埤雅廣要曰龍八十一鱗具九九之數

九陽也 又曰龍亦卵生思抱 又曰內典曰龍火得

濕則燄得水則燔

以人水逐之即息

原方言曰龍未升天曰

蟠龍 易曰雲行雨施品物流形時乘六龍以御天初

九潛龍勿用象曰陽在下也九二見龍在田利見大人

象曰德施溥也九五飛龍在天象曰大人造也 又曰

龍戰于野其血玄黃 增又曰震為龍 春秋元命苞

曰龍之言萌也陰中之陽故曰龍舉而雲興 易通卦

驗曰立夏風至而龍升天 原孝經援神契曰德至水

泉則黃龍見者君之象也 孝經左契曰天子孝天龍

負圖地龜出書 河圖曰黃金千歲生黃龍青金千歲

生青龍赤白龍亦然黑金千歲生黑龍 瑞應圖曰黃

龍者四龍之長四方之正色神靈之精也能巨細能幽

明能短能長乍存乍亡王者不瀉池而漁德達深淵則

應和氣而游於池沼 又曰黃龍不衆行不羣處必待

風雨而遊乎青氣之中遊乎天外之野出入應命以時

上下有聖則見無聖則處 增史記曰明月之珠藏於

蚌中蛟龍伏之

後魏書曰波知國有三池傳云大池

有龍王次者龍婦又次者龍子行人設祭乃得過不祭

多遇風雨 呂覽曰孔子曰龍食乎清而遊乎清 原

孫卿子曰積水成川蛟龍生焉 韓非說難曰夫龍之

為蟲可狎而騎也然喉下有逆鱗徑尺嬰之則殺人

管子曰龍被五色而遊於神欲小則化如蠶蠋大則極

於天下欲上則凌乎氣欲沈則入乎深泉變化無日上

下無時謂之神 淮南子曰龍舉而景雲屬 又曰夫

蛟龍伏潛於川而卵剖於陵其雄鳴上風其雌鳴下風而化者形精之至也人不見龍之飛舉而能高者風雨奉之也 增地形篇曰羽嘉生飛龍毛犢生應龍介鱗生蛟龍介潭生先龍 張衡應間曰夫蒼龍迎夏則陵雲而奮鱗應時也涉冬則涴泥而潛蟠避害也 班固荅賓戲曰應龍潛乎潢池魚黿媒之而不覩其能奮靈德合風雲超忽而踰昊蒼也故夫泥蟠而天飛者應龍之神也 論衡曰龍少魚衆少者為神 原抱朴子曰

有自然之龍有蛇蠭化成之龍 又曰山中辰日稱雨

師者龍也 增淮南子曰燭龍在雁門北藏於委羽之

山 原山海經曰鍾山之神名曰燭龍視為晝瞑為夜

身長三千里 增水經注曰魚龍以秋日為夜按龍秋

分而降則蟄寢於淵秋日為夜豈謂是乎 水經注曰

交州丹淵有神龍每旱邨人以茼草置淵上流魚則多

死龍怒當時大雨 原括地圖曰龍池之山四方高中

央有池方七百里羣龍居之多五色樹羣龍食之去會

稽四萬五千里 又曰崑崙山之弱水非乘龍不得至
博物志曰龍肉以醢漬之則文章生 增又曰虻蚋
其形似龍而小性好險故立於護朽上 又曰龍生三
卵一為吉弔上岸與鹿交或在水邊遺精與流槎遇粘
裹浮木枝如蒲桃焉號紫梢花道樞所謂龍鹽者也

又曰龍門之下每歲季春有黃鯉二魚自海及諸川爭
來赴之一歲中登龍門者不過七十一初登龍門即有
風雨隨之火自後燒其尾則為龍矣 拾遺記曰方丈

之山東有龍場有龍皮骨如山阜布散百頃遇其蛻骨之時如生龍或云龍常鬪此處膏血如流水 述異記曰普寧縣有龍葬洲父老云龍蛻骨於此洲其水今猶多龍骨按山阜岡岫龍興雲雨者皆有龍骨或深或淺多在土中齒角脊足宛然皆具大者數十丈或盈十丈小者纔一二尺或三四寸體皆具焉嘗因采取見之又曰冀州鵠山傳龍千年則於山中蛻骨今有龍岡岡中出龍腦 洛陽伽藍記曰西方不可依山甚寒冬夏

積雪山中有池毒龍居之昔有商人止宿池側值龍忿
怒咒殺商人槃陀聞之捨位與子向烏場國學婆羅門
咒四年之中盡得其術復王位就池咒龍龍變為人悔
過向王王乃徙之 又曰西方烏場國西有池龍王居
之池邊有一寺五十餘僧龍王每作神變國王祈請以
金玉珍寶投之池中在後涌出令僧取之此寺衣食待
龍而濟世人名曰龍王寺 原齊地記曰昌平城有井
與荆水通有神龍出入焉故曰龍城 辛氏三秦記曰

河津一名龍門大魚集龍門下數千不得上上者為龍

不上者魚故云暴顛龍門

大鯉魚登龍門化為龍不登者點額暴顛矣

又

曰龍首山長六十里頭入渭水尾逮樊川頭高二十丈
尾漸下高五六丈云昔有異龍從山南出飲渭水其行
道成土山故因以為名 增交州記曰交趾封谿縣有
隄防龍門水深百尋大魚登此門化成龍不得過暴顛
點額血流此水常如丹池 華陽國志曰蜀五城縣其
地值天門龍升天不達死墜此地故掘取龍骨 一統

志曰臨封縣西二十里石龍巖中有石如龍歲旱洗之
即雨 又曰煙塘在永州府城東北十里其深莫測相
傳昔有民得一白鱖將烹之有老叟曰此湘江之龍恐
禍及民怒以為虛誕排之翌日一邨俱陷 國史補曰
舊說春水時至魚發龍門則有化者至今汾晉山穴龍
蛻骨角甚衆采以為藥有五色者 傳載曰五臺山北
臺下有青龍池約二畝已來佛經云禁五百毒龍之所
每至盛午昏霧漸開比丘及淨行居士方可一觀比丘

尼及女子近即雷電風雨當時大作如近池必為毒氣
所吸逡巡而沒 原外國事曰毗呵羅寺有神龍往來
倉中奴取米龍輒却後奴若長取米龍不與倉中米若
盡奴向龍拜倉即盈溢 增玄珠集曰江湖見龍卵主
大水 南部新書曰龍之性粗猛而畏蠟愛玉及空青
而嗜燒燕肉故食燕人不可渡海 北夢瑣言曰乖龍
若行雨多竄匿古木中及檐楹內雷神捕之 戊辰雜
鈔曰有大龍蛻於太湖之濬其鱗甲中出蟲頃刻化為

蜻蜓朱色人取之者病瘡今人見蜻蜓朱色者謂之龍
甲又謂之龍孫不敢傷之 避暑錄話曰吳越之俗以
五月二十日為分龍日故五六月之間每雷起雲簇雲
中若見尾墮地蜿蜒屈伸謂之龍挂 原楚詞曰神龍
失水而陸居為螻蟻之所裁 公孫弘荅東方朔書曰
譬猶龍之未升與魚鼈為伍及其升天鱗不可覩 增
柳宗元荅問曰蛟龍之騰於天淵也彌六合澤萬物而
蝦蛭不離尺水

龍二

增淮南子曰女媧氏殺黑龍以濟冀州

黑龍水精也殺之以止水

原尚書中候曰河龍圖出雒龜書成赤文像字以授軒

轅 龍魚河圖曰天授元始建帝號黃龍負圖從河中

出付黃帝帝令侍臣寫以示天下 史記曰黃帝土德

黃龍見 增淮南子曰黃帝治天下而力牧泰山稽輔

之青龍進駕 山海經曰蚩尤作兵犯黃帝黃帝乃令

應龍攻之冀州之野應龍已殺蚩尤又殺夸父乃去南

方處之故南方多雨

原又曰應龍處南極殺蚩尤與

夸父不得復上應龍遂在地故下數旱旱而為應龍狀

乃得大雨

氣應所感

增魏文帝雜占曰黃帝錄圖五龍舞

沙春秋元命苞曰堯遊河渚赤龍負圖以出圖亦如

綈尚書中候曰堯火德故赤龍應焉原又曰舜沈

璧於河榮光休至黃龍負卷舒圖出入壇畔龍魚河

圖曰黃龍從洛水出詣虞舜鱗甲成字令左右寫文竟

龍去瑞應圖曰舜東巡狩黃龍五采負圖置舜前

河圖曰舜以太尉即位與三公臨觀於河黃龍五采負

圖出置舜前以黃玉為桺玉檢金繩芝為泥章曰天黃

帝符璽 增賈氏說林曰舜使虞虎養一紫龍虎恒持

燕炙示龍而不即與食龍俯而垂涎虎以器盛之日得

一合和繪寶磨之色正赤以畫金玉色透一寸繪寶仙

草也堯時生於朝堂四時有花成寶 原史記曰夏木

德青龍生於郊 呂氏春秋曰禹南省方過江黃龍負

舟舟中之人五色無主禹曰吾受命於天竭力養人生

性也死命也何憂龍哉龍俯而去 括地圖曰禹誅防

風氏夏后德盛二龍降之禹使范氏御之以行經南方
防風神見禹怒射之有迅雷二龍升去神懼以刃自貫
其心而死禹哀之療以不死草皆生是為穿胃國 增

抱朴子曰禹乘二龍郭支為御 又曰夏時龍生於太

廟之中 山海經曰大樂之野夏后氏於此乘兩龍

增又淮南子曰伯益作井而龍登玄雲神棲崑崙 宋

志曰成王觀河洛沈璧青龍臨壇銜六甲之圖 原呂

氏春秋曰晉文公反國介之推不肯受賞自為賦詩曰
有龍于飛周徧天下五蛇從之為之承輔龍反其鄉既
得其所四蛇從之得其雨露一蛇羞之槁死中野 左

傳曰秋龍見于絳郊魏獻子問於蔡墨曰吾聞蟲莫智

於龍以其不生得也對曰人實不智非龍實智古者畜

龍故國有豢龍氏有御龍氏昔有颶叔安

颶古國名叔安其君名

有裔子曰董父實甚好龍能求其嗜欲以飲食之龍多
歸之乃擾畜龍以服事帝舜帝舜賜姓曰董氏曰豢龍

及有夏孔甲擾于有帝帝賜之乘龍河漢各二有雌雄
陶唐氏既衰其後有劉累者學擾龍于豢龍氏以事孔
甲能飲食龍夏后氏嘉之賜氏曰御龍龍一雌死潛醢
以食夏后夏后饗之龍水物也今水官棄矣故龍不生得
又曰鄭大水龍鬪於時門之外洧淵國人請禳焉子
產弗許曰我鬪龍不覲也龍鬪我何覲焉攘之則彼其
室也我無求於龍龍亦無求于我乃止 增拾遺記曰
周靈王二十一年孔子生於魯哀公之世夜有二蒼龍

自天而下東附徵在之旁因夢而生孔子 原莊子曰

孔子見老聃歸三日不談弟子問曰夫子見老聃何規哉子曰人用意如飛鴻者為弓弩射之如遊鹿者走狗而逐之若遊魚者釣繳以投之吾今見龍合而成體散而成章余口張不能喻舌出不能言 又曰子張見魯哀公不禮焉去之曰君之好士也有似葉公子高之好龍雕龍畫之於是天龍聞而示之窺頭於牖拖尾於堂葉公見之失其魂魄五色無主是葉公非好龍也好夫

似龍非龍也今君非好士也好夫似士者 說苑曰吳

王欲從民飲酒子胥諫曰不可昔者白龍下清泠之淵
化為魚漁者豫且射中其目白龍上訴天帝天帝曰當
是之時若安置而形對曰吾化為魚天帝曰魚固人之
所射也豫且何罪今君棄萬乘之位而從布衣之士飲
酒臣恐有豫且之患王乃止 又莊子曰河上有家貧
恃緯蕭而食者子投淵得千金之珠謂其子取石來鍛
之夫千金之珠必在九重之淵驪龍頷下若能得珠者

遭其睡也使驪龍而寤子尚奚微之有哉 又曰朱仝
漫學屠龍於支離益殫千金技成而無所用其巧 增
南越志曰昔有溫氏媼者端溪人也居常澗中捕魚以
資日給忽於水側遇一卵大如斗乃將歸置器中經十
日許有一物如守宮長尺餘穿卵而出因任其去留稍
長二尺便能入水捕魚日得十餘頭稍長五尺許得魚
漸多常遊波水縈洄媼側媼後治魚誤斷其尾遂逡巡
而去數年乃還媼見其輝色炳耀謂曰龍子今復來也

因盤旋遊戲親馴如初秦始皇聞之曰此龍子也朕德
之所致乃使以玄珪之禮聘媼媼戀土不以為樂至始
興江去端溪千餘里龍輒引船還不踰夕至本所如此
數四使者懼而卒止不能召媼媼殞廕於江陰龍子常
為大波至墓側縈浪轉沙以成墳人謂之掘尾龍今人
謂船為龍掘尾即此也 原詩含神霧曰含始吞赤珠
刻曰王英生漢皇後赤龍感女媧劉季興也 史記曰
高祖常從王媼武負貫酒醉臥武負王媼見其上常有

龍 古今注曰高祖五年黃龍見華陽池十餘日九年

又見長安 漢書曰文帝十五年春黃龍見成紀上乃

詔議郊祀 增西京雜記曰瓠子河沒有蛟龍從九子

自沒中逆上入河噴沫流波數十里 述異記曰當陽

南有龍川云漢武時八龍常見於此 原古今注曰五

鳳四年黃龍出廣漢甘露元年黃龍見新豐二年龍見

上郡騰躍五色升天丞相以下上壽 漢書曰宣帝甘

露元年黃龍見新豐因改元應之 增谷永傳曰漢成

帝時有黑龍見東萊 玉海曰漢成帝建初五年有八

黃龍見於泉陵

原東觀漢記曰黃龍見於河馮異勸

上即位上曰我昨夜夢見赤龍上天覺寤心中動悸異

等賀曰此天命發於神明

增又曰公孫述有龍出其

府殿中夜有光耀述以為符瑞因稱尊號改元曰龍興

原古今注曰章帝建初三年黃龍見汝南項氏田廬

中長五丈餘高二丈光耀廬舍及樹皆黃

增水經注

曰建武中曹鳳字仲理為北地太守政化尤異黃龍應

於九里谷高岡亭角長三丈大十圍稍至十餘丈天子
嘉之賜泉加秩 述異記曰漢元和元年大雨有一龍

墮於宮中帝命烹之賜羣臣龍羹各一杯故李尤七命
曰味兼龍羹 原東觀漢記章帝元和二年黃龍四見

古今注和帝永元十年黃龍見潁川定陵民家井中
色黃目如鏡又見巴郡宕渠草木色皆黃 東觀漢記

曰安帝延光三年黃龍見歷城又見諸縣 增後漢書

曰哀牢夸其先有婦人捕魚水中觸沈木有孕生男子

十人沈木化為龍出水上九男驚走一兒不去背龍因舐之後諸兒推為哀牢主原抱朴子曰案使者甘宗所奏西域事云外國方士能神咒者臨川禹步吹氣龍即浮出初出乃長十餘丈方士吹之一吹則龍輒一縮至長數寸乃取著壺中以少水養之外國常患旱災於是方士聞有旱處便齎龍往賣之一龍直金數十斤舉國會斂以顧之直畢乃發壺出龍著淵中因復禹步吹之長數十丈須臾而雨四集矣增一統志曰大小龍

溪俱在洋縣東北三十里相傳漢時張魯女因臥水旁石上而霧蒙身遂孕後生三龍即此溪也 原魏略曰

文帝欲受禪郡國奏黃龍十三見明帝鑄銅黃龍高四尺置殿前 魏志曰漢嘉平五年黃龍見譙光祿大夫

喬玄太史令單颺曰其國當有王者興不及五十年當復見內黃殷登默記之四十五年登尚在黃龍此時見譙登曰單颺之言其驗茲乎 又曰青龍元年春正月

甲申青龍見摩陂井中二月丁酉幸摩陂觀龍於是改

摩陂為龍陂 漢晉春秋曰青龍三年七月曹叅宗華

殿災時郡國有龍九見故改曰九龍殿 吳志曰黃龍

元年樊口武昌並言黃龍見孫權即位改年為黃龍孫

休夢乘龍上天顧不見尾果立為帝而無後 又曰孫

權潘夫人父為吏坐法死夫人輸織室權見而異之召

充後宮得幸有娠夢有以龍頭授已以蔽膝受之遂生

孫亮 增宋黃休復名畫錄曰吳赤烏元年冬十月武

帝遊青溪見一赤龍自天而下凌波而行遂命曹弗興

圖之至宋文帝時累月亢旱祈禱無應乃取弗興畫龍
置水上應時蓄水成霧累日滂沱 晉書曰劉毅為尚
書左僕射時龍見武庫井中帝親觀之有喜色百官將
賀毅獨曰易稱潛龍勿用陽在下也證據舊典無賀龍
之禮 又曰呂光伐龜茲軍其城南營外夜有一物大
如斷堤搖動有頭角目光若電及明而雲霧四周遂不
復見乃視其處南北五里東西三千餘步鱗爪隱地之
所昭然猶在光歎曰黑龍也俄而雲起西北暴雨滅其

跡杜進言於光曰龍者獸之君大人利見之象願勉之
以成大慶光有喜色 又曰馮跋茅素弗與從兄萬泥

及諸少年游於水濱有一金龍浮水而下素弗謂萬泥
曰頗有見否萬泥等皆曰無所見也乃取龍而示之咸
以為非常之瑞 原晉中興書曰孝武太后李氏以微
賤入為會稽王宮人夢兩龍抗膝入懷太宗異而召之
生烈宗 增水經注曰佛圖澄別傳曰石虎時自正月
不雨至六月澄詣滏口祠稽首曝露即日二白龍降於

池下於是雨千里 又曰石勒時天旱沙門佛圖澄於石井岡掘得死龍長尺餘漬之以水良久乃蘇咒而祭之龍騰空而上天即雨降因名龍岡 西河記曰張駿立謙光殿成後池水中有五龍晝日見移時乃滅水通變紅色駿即為銅龍以厭之 山川紀異曰湯陰西有真人杜舊傳孫登寓此值旱衆禱於龍得雨將祭謝之登曰此病龍安能蘇禾稼弗信請齎之水果腥穢龍時背生疽聞登言化老翁求治曰病痊當有報不數日果

大雨石上忽裂一井其水湛然蓋龍穿此以報也 又
曰平陽府平山麓有金龍池晉永嘉中有韓媪者出野
見巨卵持歸育之得一兒名楸兒生四歲劉淵築城不
就募能城者楸兒應募因變為蛇令媪遺灰識其後後
憑灰築城立就淵怪之遂潛入山穴露尾數寸使者斬
之忽涌泉出穴化為池 沈約宋書曰太史奏西方有
天子氣時太祖為宜都王鎮荊州後篡大位在道有黑
龍躍出負上所乘舟左右皆失色上謂王曇首曰此乃

夏禹所以受天命我何德以堪之 又曰徐羨之嘗從

兄履之為臨海樂安縣嘗行經山中見黑龍長丈餘頭

有角前兩足皆具無後足曳尾而行後文帝立羨之竟

以凶終 齊書曰建武中荊州大風雨龍入柏齋中挂

壁上有爪足處刺史蕭遙欣畏恐不敢居也 南史曰

永明五年獻龍角一枚長九尺三寸色紅有文 梁書

曰武帝郗后素妬忌及終化為龍入於後宮井通夢於

帝或見形光彩照灼帝體將不安龍輒激水騰涌於是

井上為殿衣服委積 南史曰梁江陵城壕中有龍騰

出煥爛五色竦躍入雲六七小龍相隨飛去羣魚騰躍

墜死於道龍出處為窟若數百斛圖 又曰初承聖二

年三月有兩龍自城西江中騰躍升天五色分明遙映

江水百姓咸仰面目之父老或聚而悲竊相謂曰地龍

已去國其亡乎 法苑曰梁釋法聰與晉安王臨白馬

泉內有白龜就聰手中取食謂王曰此是雄龍又臨靈

泉有五色鯽魚亦就手食謂王曰此是雌龍王與羣臣

重賞而回 又曰隋師濟江廖世寵領火舫詐降欲燒

隋艦更沒死一戰於是有五黃龍備色象各長十餘丈

驤首連接順流而東風浪大起雲霧晦冥陳人震駭不

覺火自焚 後周書曰大象中荊州有黑龍見與赤龍

鬪於汴水之側黑龍死 寰宇記曰齊天統三年行臺

右丞盧潛屯兵於皖於時龍鳴城內潛以不祥移軍在

外乃號龍鳴城 郡志曰成都濯龍池隋蜀王秀取土

築廣子城因為池有胡僧見之曰摩訶宮毗羅蓋胡僧

謂摩訶為大宮毗羅為龍謂此池廣大有龍也 趙耕

龍公碑曰張路斯穎上人隋初明經登第景龍中為宣城令夫人關州石氏生九子自宣城罷歸嘗釣於焦氏臺之陰一日顧見釣處有宮室樓殿遂入居之自是夜出旦歸歸輒體寒而濕夫人驚問之公曰我龍也蓼人鄭祥遠者亦龍也騎白牛據吾池自謂鄭公池吾屢與戰未勝明日取浚可使九子助我領有絳綃者我也青綃者鄭也明日九子以弓矢射青綃者中之怒而去公

亦逐之所過為谿谷達於淮而青綃者投於合肥之西山以死為龍穴山九子皆化為龍公之兄為馬步候者子孫散居潁山其墓皆存焉 朝鮮志曰朝鮮扶餘縣扶蘇山下有怪石跨於江渚石上有龍攫之跡諺傳唐高時蘇定方伐百濟臨江欲渡忽風雨大作以白馬為餌釣得一龍須臾開霽故江曰白馬巖曰釣龍臺 唐書曰貞觀中汾州言青龍白龍見白龍吐物在空中有光如火至地陷入二尺掘之則烏金也形圓斜廣尺餘

高六七寸

法苑曰貞觀十八年汶水縣天雷震雲中

落一石下大如碓觜脊高腹平縣丞張孝靜奏聞時有

西域僧磨伽陀菩提寺中長年師到西京頗推博識敕

問之云是龍食二龍相爭故落下耳 酉陽雜俎曰孫

思邈隱居終南山時大旱西域僧請於昆明池結壇祈

雨七日縮水數尺池龍化為老人至思邈石室請救孫

謂曰我知昆明池有仙方三十首能與予予將救汝老

人曰此方上帝不許妄傳今急矣固無所吝有頃捧方

至思邈曰爾當無慮自是池水忽漲溢岸數日胡僧羞
恚而死續仙傳曰孫思邈嘗救一青蛇龍子也後為
龍王召至水府得龍宮藥方三千道作千金方三十卷
俱非人世所有玉海曰景龍二年六月黃龍再見於
牛山九月見於上黨伏牛山之南岡唐書曰先天中
明皇以旱親往龍首池祈禱有赤蛇自池中而出應時
澍雨宣室志曰北庭西北沙州有黑河中巨龍為患
民甚苦之凡吏茲土者皆先備牲醴往祀河澍然後敢

視事開元中南陽張嵩為都護即命致祭密令左右挈
弓矢侍其側俄有巨龍長百尺自波中躍出委首於席
伸其舌且長數尺將食未及為矢所斃於時中右脅遽
伏於地聲若山摧龍既死觀者如市嵩命封其腹具表
以獻上壯之詔斷其舌函以賜嵩且降優詔勞之因賜
號為龍舌張氏 柳宗元集曰明皇西幸馬至咸陽入
渭水化為龍 龍城錄曰開元間景州水中見一龍三
頭 江行雜錄曰肅宗在春宮嘗與諸王從明皇詣太

清宮有龍見於殿之東梁明皇目之顧問諸王有所見
乎皆曰無之問太子太子俛而未對上問頭在何處曰
在東上撫之曰真我兒也 開元遺事曰帝在東都夢
一女子高髻廣裳拜而言曰妾凌波池中龍也久護宮
苑陛下知音乞賜一曲帝覺為作凌波曲奏於池上神
出波間 靈怪錄曰房琯嘗修學終南山谷中忽聞聲
若物戛銅器之屬問父老云此龍吟也不久雨至矣琯
望之冉冉雲氣游漫果驟雨作自爾再聞徵驗不差後

將赤金鉢戛之為偽龍吟 唐書曰建中四年九月戊

寅有龍見於汝州城壕 又曰李嗣業為疏勒鎮使城

一隅地屢築輒壞嗣業祝之有白龍見因祠以祭城遂

不壞 埤雅廣要曰順宗時拘弘國貢履水珠色類鐵

持入海江可行於洪濤中後化為龍 雜俎曰有史秀

才者元和中與道流遊華山時方暑憩一小溪忽有一

葉大如掌紅潤可愛隨流而下史獨接得置懷中坐食

頃覺懷中漸重潛出視之其葉上粟粟而動史驚懼棄

林中遽白衆人曰此必龍也可速去須臾林中白煙生

彌布一谷史下山未半風雷大至 唐薛用弱集異記

曰元和中故都尉韋宥出牧温州道經江渚見有新絲
箏絃周纏蘆心宥即拔蘆伸絃其長倍尋則試縱之應
手復結宥奇之付箏妓施於器以聽其音妓將安之更
無少異惟短二三寸耳方饌妓置之赴食及食罷就視
則已蜿蜒舒展蠕蠕搖動妓乃驚告衆來競觀而雙眸
瞭然矣宥駭曰得非龍乎遽命衣冠焚香致敬盛諸盂

水之內而投於江纔及中流風浪皆作蒸雲走電咫尺
昏晦俄有白龍長百尺擎攫升天衆咸觀之良久乃滅
唐書曰文宗太和二年五龍會於密州裨產山之北
次第而至五方之色具焉自申及戌而沒 戎幕閒談
曰茅山龍池中其龍如蜥蜴而五色自昔嚴奉貞觀中
敕取龍子以觀御製歌送歸黃冠之徒競詫其神李德
裕恐其惑世嘗捕而脯之龍亦竟不能神也 劇談錄
曰李德裕嘗夏日宴朝士咸有鬱蒸之苦旣延入小閣

以金盆貯水浸白龍皮置於座中暑氣都盡清飈凜冽如涉高秋皮乃新羅國所獻得之大海中 玉泉子曰

牛僧孺鎮襄州日以久旱祈禱無應有處士自云豢龍者公請致雨處士曰江湖間無龍獨一湫泊中有之黑龍也強驅逐之慮為災難制公固命之果有大雨漢水泛漲漂溺萬戶處士懼罪潛去 孔帖曰太和三年成都門外有龍與牛鬪 唐年補錄曰咸通末舒州刺史孔威進龍骨一具因有表錄其事狀云州之桐城縣善

政鄉百姓胡舉家有青龍鬪死於庭中時四月尚有繭
箔在庭忽雲雷暴起聞雲中擊觸聲血如醲雨灑繭箔
上血不汙箔旋漸結聚可拾置掌上須臾令人冷痛入
骨初龍拖尾及地繞一泔桶即騰身入雲及雨悉是泔
也龍旣死剖之喉中有大瘡凡長十餘丈身尾相半尾
本褊薄鱗鬣皆魚惟有鬚長二丈其足有赤膜翳之雙
角各長二丈其腹自相齟齬時遣大雲倉使督而送州
以肉重不能全舉乃剗之為數十段載之赴官 中朝

故事曰長安有豢龍戶觀水即知龍色目有無悉知之

懿皇朝龍戶上言龍池中走失兩條往關東尋訪數十

日東都魏王池中見之取而歸闕經華州時李訥為刺

史為人正直聞得龍來大以為虛妄命就公府視之則

於二小餅子中倒於盆內乃二細魚也訥怒曰何以為

驗其人對曰驗非難也請鑿穴尺許注水其間投魚水

內相趁旋轉尾觸穴四隅隨觸而陷水亦暴漲逡巡穴

已闊數尺其人云恐穴更廣即難制也遂搦入餅中訥

方奇之攜歸輦下

天中記曰唐乾符中有僧日以課

誦為事因下峽泊舟白帝城夜深持念之際忽覺有腥氣
見水面有人漸近船來僧問之曰某非人也許姓名道
坤唐初為夔牧以貪殘暴虐歿受業報為鱣瀕堆龍王三
千年於今二百四十年矣適聞師持課故來遜謝耳僧曰
峽路險惡多覆溺之患盍教諸龍而禁戢之可乎曰此類
實繁皆業報所作非常力能制也僧將復問忽失北夢
瑣言曰大江之南蘆荻之間往往燒起睡龍朱梁末辰州民

向氏因燒起一龍四面風雷急雨不能撲滅尋為煨燼而
角不化瑩如玉向氏寶而藏之湖南行軍高郁酬其價
而強取於時術士曰高司馬其禍乎安得不祥之物以速
之俄而被誅 又曰同光中滄州民子路逢白蛇以繩繫
之擺其頭落須臾雷電撮此子上空中為雷火燒死墜地
而背有朱書曰此人殺安天龍為天符所誅 周史曰徐
州豐縣民單興井中龍出民有子母三人同覩即時皆卒
既出澍雨漂沫城內居民濟之以棧登城以避水 吳越

備史曰臨安大旱宰君命道士東方氏起龍祈雨對曰茅
山前池中有之然不可起起必大異遂止明年宰君復召
至將臨池遽指王所居曰此龍生彼家矣時王已誕數日

又曰吳王巡行次餘姚文亭鎮舟漆巨石不能進既而
大雨震電有二龍負舟俄而二龍自舟首升焉 南唐史

曰有持龍水圖求貨或得之將練以為服忽釜中霧蒸
起見二龍騰躍而去 野人閒話曰偽蜀大軍未至前
自春及夏無雨螟蝗大作一旦漢川什邡縣石井中夜

有十丈火龍騰躍而出浩浩升天而去乃至鱗甲首足
明耀粲然大風吼天草木俱拔餘燼墮地延燒數百家
一統志曰宋建隆中池州府有狗登木化為龍風雨
勃興穿山而行因名山洞曰五穿 宋史曰茅山有池
產龍如蜥蜴而五色祥符中嘗取二龍入都半途失其
一中使云飛空而逝民俗虔奉不懈程顥捕而脯之

夢溪筆談曰天聖中近輔獻龍卵云得自大河中詔遣
中人送潤州金山寺是歲大水金山廬舍為水所漂者

數十間人皆以為龍卵所致 志林曰皇祐三年五月

龍鬪於扈州城南江中馳逐往來久之水暴漲未幾儂

智高陷二廣 又曰扶風有大白山至靈禱無不應天

寶中封為靈應公後奏改為濟民侯自此禱遂不驗因

復改原號修其廟祀之日有白鼠長尺許餘歷酒榼上

齕而不食父老云龍也是嘉祐七年 緯略曰鄭內翰

獬未貴時病疫困甚夢至一處若宮闕有吏迎謁甚恭

公曰吾病煩熱思涼浴以清肌膚吏曰辦之久矣遂導

至一室中有小方池甃以明玉水光濫濫以手測之清
冷可愛公坐其上引水沃身俄頃兩臂皆生白鱗顧水
中影則頭已角出公驚遽去吏云玉龍池惜乎公不入
其水入當大貴但霑灑而已幸而公是白龍翁雖貴不
至一品乃覺大汗而愈公後登第為天下第一乃戲為
詩云文闈數載奪先鋒變化須時自古同霹靂一聲從
地起到頭元是白龍翁 鐵圍山叢談曰江湖間小龍
號靈異崇寧中淮水暴漲而汴口檣舟不能進一日昧

爽小龍出運網之舟尾舵工之婦不識也謂蜥蜴撥置之又緣柁而上婦怒舉火柴擊其首隨擊霹靂大震汗口官私船七百隻自相撞擊俱碎死者數百十人朝廷聞之不樂第命官賑卹焉會發運使上計而小龍又出大漕甚窘懼乃焚香祝之願與王偕上計入覲天子龍即作喜狀舉身入香奩中不動大漕遂攜至都奏聞遣使索入內為具酒核以祝之龍輒躍出奩中兩爪據金杯飲幾醕於是天子異之取大琉璃合貯龍親加封識

降付都城汴水之小龍祠中一夕封識如故視缶中龍已變化去矣上喜加封四字仍大敞其祠宇 埤雅廣要曰宣和元年五月有龍見於京師茶肆傭晨興見犬蹲榻旁近視之則龍也軍器作坊兵士取而食之逾五日大雨如注歷七日而止京城外水高十餘丈 老學菴筆記曰張震字真甫為成都帥未至旬日前大風雷龍起劒南西川門揭牌擲數十步外壞南字爪跡宛然 夸堅志曰德興嶺岨山亘百餘里有三潭龍螭所

藏其在桃源塢者時現光怪頃歲一邨嫗過之見異物如牛臥潭側鱗甲熠熠每片如斗大其長夭矯數尺許嫗狼狽奔歸尚能為家人道所見即死淳熙中縣境苦旱民吳彥柔者與妻素奉佛教親詣潭所焚香啓告曰天久不雨田禾將槁願一施靈賜於是旋繞回傍虔誦經咒少焉一小青蛇出水面俄化為巨鯉久之又化為鮎而首則蛇也悠洋自如吳祝曰若神龍能下雨救禾稼當以家財建立祠廟於此使民俗永遠香火供事則

又露雙角屹然吳遽趨下未幾大雨傾注彌日方已闔境賴以有秋吳不甚富才有田千畝乃以三分之二與兩子而賣其一為工匠土木費廟成夫婦棄家徙居於門躬執灑埽之役龍之靈日以詭異人或汲潭水置盆中小魚充溢不可計及還之於水蓋無一鱗投紙錢者或沈或浮俚俗言沈者神所受者也脫不當神意雖縋之以石亦裂碎浮出遼史曰太祖神冊五年射龍於伊喇山陽水上其龍一角尾長足短身長五尺舌二尺

有半敕藏內府

金五行志曰天眷元年夏有龍見於

熙州野水凡三日初於水面見一蒼龍良久而沒次日

見金龍一爪承三嬰兒兒為龍所戲略無懼色 李堅

志曰宋洪邁言皇統中河中府大旱太守李金吾祈禱

未效聞西巖寺僧慈惠戒律精高為緇徒所仰乃往請

之僧曰身老無以動天地但每日說法之時必有一老

叟來聽講莫知所從來疑為龍也當試叩之須金吾明

旦至此潔誠以待李從之如期叟至李即焚香設席命

左右掖之再拜致詞叟驚止之曰使君屈膝於山翁敢問何以李曰亢陽為災五穀不入萬民將無以生願龍君仁慈亟下甘澤當肇建祠宇歲時奉祀以彰大神之威靈唯神念之叟無言少頃輦蹙而歎曰噫泄吾天機者師也吾死無日矣遂告李曰使君勿憂誓以死報又顧僧曰吾今以師故獲罪上帝立降誅罰吾即死尸墜土於地然不出此境中乞為作證明使闔郡民為行壇七晝夜庶幾藉此功德可獲超升僧許之而去於是一雨

三 日外邑虞鄉有死龍墮山下李盡率士庶召浮屠千

人詣其處築壇場延慈惠演供事畢龍見於空作人言

謝曰吾雖蒙天誅而賴法力救助乘無上妙因得為菩

薩龍矣李為建廟請額於朝且名其地為恭龍谷 翦

勝野聞曰太祖在滁嘗濯手於柏子潭有五蛇擾而就

之因祝之曰如天命在予汝其求附焉一日戰畢羣坐

藉土蛇忽蜿蜒其側帝乃掩以兜鍪頃復報戰亟載兜

鍪而往是日手刃甚衆軍法戰勝必祭甲冑衆推帝功

居多乃置兜鍪於前甫奠忽霹靂大震白龍夭矯自兜
鍪中出挾雷聲握火光騰空而去諸將自是畏服

御定淵鑑類函卷四百三十七

欽定四庫全書蒼要卷一萬一千八百八十六

子部

御定淵鑑類函卷四百三十八

鱗介部二

蛟龍

蜃螭

龍三

原躍淵階木

周易九四或躍在淵无咎獻帝春秋孫策獲太史慈乃出教曰龍欲騰翥先階尺

木且今署慈為門下督須軍還當更議

銜燭

捧鑪

楚詞燭龍何照王逸注曰大荒西北有山

而不合因名之曰不周山故有神龍銜燭而照之吳越春秋王允常聘歐冶子作劍赤瑾之山破而出錫若耶之

溪涸而出銅雷公擊析蛟龍捧鑪天帝裝炭太乙下觀

騰雲

乘水

楚國先賢傳宋玉對楚王

曰神龍朝發崑崙之墟暮宿于孟諸超騰雲漢之表婉轉
四瀆之裏夫尺澤之鱣豈能量江海之大哉管子曰蛟

龍水中之神者也乘水則神立失水則神廢

五彩

九色

上見龍二河圖漢武內傳王母乘

紫雲之輦又駕九色之斑龍

翠鱗

赤帶

揚子雲為玄曰作龍者施木為骨緄繒為皮丹黃為

文翠羽為鱗水以游之風以嬉之沈懷遠南越志蟠龍

身長四丈青黑色赤帶如錦文常隨渭水而下入於海有

紀官

賜氏

皇甫謐帝皇世紀太昊庖羲氏風

見龍二

投杖

挂梭

葛洪神仙傳費長房與壺公俱去後壺公謝而遣之長房憂不能到

家公與所用杖騎之忽然如睡已到家以所騎竹杖投葛陂中顧視之乃青龍也劉敬叔異苑陶侃常捕魚雷澤得

一織梭還挂壁上有頃雷雨梭變成赤龍從空而去

三友

兩壻

魏志華歆邴原管寧三人為友

號曰一龍寧為龍頭原為龍腹歆為龍尾又曰黃尚為
司徒與李元禮俱娶太尉桓焉女時人謂叔元兩女俱乘
龍言得壻如龍雲從宿屬上易經星經東存身矯首

易繫辭龍蛇之蟄以存身也下龍狀

莫智

無求

俱見龍二左傳

迎安公

騎黃帝

列仙傳陶安公六安鑄冶師也一旦有朱雀止治上云七月七日迎汝以赤龍至期赤龍至安公騎

之而去

黃帝鑄鼎荆山下成有龍下迎黃帝上龍羣

臣後宮從上天七十餘人小臣悉持龍髯拔墮黃帝弓

生山澤

在宮沼

傳深山大澤實生龍蛇禮記龜龍在宮沼則是無故順之實也畏

棟葉

食五花

齊諧記蛟龍畏棟葉下見龍一括地圖

出潛離隱

合體

成章

上易經下見龍二莊子

見蘭陵井

增戲武功池

漢惠時二龍見蘭陵

人家井中白帖二龍戲于武

功縣池乃唐太宗生誕之瑞

登李膺門 窺葉公牖

膺門者號為登龍門

下見龍二莊子

子先茅狗 方朔衣裳

列仙傳子先者東海

關中卜師也老壽百餘年臨去呼酒家老嫗曰急裝當與

汝俱夜有仙人持二茅狗來呼子先子先持一一與嫗各

騎之乃龍也 洞冥記東方朔生三日而喪母隣母拾而

養之經歲母忽失朔累月方歸後復去家萬里見一枯樹

脫白布裳挂樹裳化為

龍因名其地為布龍澤

馬師治病 夏后藏釁

列仙傳馬師皇

者黃帝馬醫有病龍下垂耳張口師皇鍼其唇飲以甘草

湯而愈後一日負之而去 史記夏后氏之衰有二龍止

於帝庭而言曰余褒之二君也夏后卜殺

之徙去之留之莫吉卜請其釁而藏之吉 張華食鮓

漢帝賜羹 世說陸機嘗餉華鮓華發器便曰此龍肉也試

以苦酒漬之必有異既而五色光起機還問鮓

主果云園中積茅下得白魚質狀殊常以
作鮮過美故以相獻 下詳龍二述異記 一馬化 八牛易

晉童謡五馬渡江一馬化為龍即元帝 法苑俱名國有商人

驅八牛牧於澤中時有離車捕得一龍云將食之商人以八牛

易致取放別池中龍忽人語邀入宮中有龍女與八餅金 乘

云此是龍金截已更生足汝父母眷屬終身用之不盡

雲 行雨

淮南子龍乘雲而舉 埤雅廣要李靖射獵山中宿 一朱衣家夜半扣門急一老嫗謂靖曰此龍宮也天

符命行雨二子皆不在欲奉煩何如命取驄馬并一小瓶戒曰

馬躍嘶鳴取水一滴馬鬃上此一滴乃地下一二尺慎無多也

既而電掣雲間連下二十

奮翼

躍鱗

鄒陽書蛟龍驤首奮翼則浮雲出沅雲霧

餘滴夜半平地水二丈

咸集 新言龍潛

變形

易骨

四分律文中說諸龍初生時 睡時瞋時行欲時不能變形

之水乘雲躍鱗

餘皆能變形 造

吐金

畏鐵

上見龍二唐書 毛詩名物 解云鐵味辛害目魚龍護目

化權輿龍易骨

故畏

韓雉射

安期跨

尸子曰韓雉見申羊于魯有龍飲于沂韓雉曰吾聞也出見虎搏之見龍

射之今不射是不得行吾聞也遂射之

傳

解角

取肝

前燕

奇安期生常跨一龍而朝玉京故號玉京子

錄慕容晃十二年夏四月黑龍一白龍一見于龍山晃親率羣僚

觀龍二百餘步祭之以太牢二龍矯首嬉翔解角而去晃大悅號

新宮曰和龍宮朝野僉戴蜀縣令劉靜妻患病正諫大夫明崇

儼諭之曰須得生龍肝食之必愈靜以為不可得儼乃書符乘風

放之上天須臾有龍下入甕水中剔取肝食之而差

采鱗

威骨

典引升黃輝采鱗於沼注黃龍也毛詩名物

解龍有

守藏

聽經

幽怪錄開元中葉天師講經于明州奉化縣忽一老父自云守藏龍千歲方免災沙

威骨

之罰今為胡僧呪水欲取統天鎮海之寶天師以符救之波停風

息老父泣謝仙師令致清泉遂成石渠經冬不竭至今謂之天師

渠堦雅廣要有僧講經一隻來聽曰某山下龍也幸歲旱得聞

來此僧曰能救旱乎曰上帝封江湖有水不得用僧曰此硯水可

用乎乃吸水去是夕大雨悉黑水

子明釣方士吹

列仙傳陵陽子明好釣於谿得

白龍子明解鈎放之後得白魚腹中有書教子明服食遂採五石脂服之三年白龍來迎止陵陽山上百餘年

下見龍二抱朴子

目見纖芥

頭有尺木

陰陽變化論驪龍之目見百里纖芥

一物如博山形名尺木

骨在棟上

蛻於樹間

感應經近

蒲州人家折草屋于棟上得龍骨長一尺許宛然皆具春渚紀聞張澤者居鄆州東城於樹枝間得一龍蛻

才大如新蟬之殼頭爪角尾皆具中空而堅扣之聞聲如玉光瑩奪目過暗則光燭於室

膏為燈

涎製香

王子年拾遺記燕昭王時以龍膏為燈光清澄若水光焰五色人以為瑞雅俗稽言曰

龍涎香品中最貴出大食國西海中龍盤吐涎浮凝水面人操獨木舟採之焚之烟縷不散

割耳

點睛

雲仙錄天罰非龍必割其耳獨異志梁張僧繇于金陵安樂寺畫四龍不點睛人問之曰點

則飛去衆人以爲虛誕因請點之頃

御素雲

燔玉

刻二龍乘雲騰上其二不點者猶在

淵李詩注唐明皇常龍潛於興聖宮及即位興聖池嘗

有一小龍出遊宮外御溝水中其狀蜿蜒後一夕其

龍自池中御素雲望西南去及上至嘉陵江乘舟將渡

見一小龍翼舟而進上謂左右曰此吾興慶池中龍也

命以酒沃酌上親自祝之龍乃自水中振

春陵五老

鬣而去纂要玉淵者驪龍之所蟠也

嵩山三叟

類要唐陽城出守道州至襄陽有五老人來迓自云春陵人城與之縑帛問其所居

曰城西北五里至則訪焉惟有五龍井并縑帛尚存因

為立廟夷堅志小說載釋元照講經於嵩山有三叟

日來諦聽自言是龍照以天旱令降雨叟曰雨禁絕重

儻不奉命擅行詬責非細唯孫處士能解弟子之禍照

為謁孫思邈致懇是夜千里雨足三叟化為獼
匿於孫所居後沼遣使者捕執孫使解而釋之

出指

甲

入衣袖

宣室志宣律師擊指甲一黑龍自甲中出
初小俄丈餘火鬣電眸攫空而去僧史

僧聞禪師住邵武山中一日有老翁來謁曰我龍也以
疲情行雨天罰當死賴道力可脫俄有小蛇長尺許延
緣入袖中夜風號霆擊山岳為搖而
僧危坐不傾達旦晴霽蛇墮地去
華陽劉耳
鮫

室織髯

龍城錄茅山吳綽採藥華陽洞見小兒手握大
珠三顆忙奔入洞恐為物害往救之見小兒作

龍形以珠填耳中綽以藥斧剔之落左耳而珠已失所
在韓愈詩煩君自入華陽洞直割乖龍左耳來樹

萱錄李羸遇神女遺以匹素云鮫室所織後遇胡人以
三百萬易之云此乃龍領下小髯織緝成三十劫方斷

綜一

寄窰下

隱鏡中

夷堅志潼州白龍谷陶人梁氏
世世以陶冶為業其家極豐腴

乃立十窑皆燒瓦器惟一窑所成最善餘九數每斷火
取器率窳邪不正及鬻於市則人爭售之凡出盡然莫
知其所以谷中故有祠曰白龍廟蓋因谷得名靈響寂
寂不為鄉杜所敬梁夢龍翁化為人來見曰吾有九子
今皆長立未有攸處分身於汝家窑下前此陶甑時
往往致力陰助於汝梁曰九窑之建初未嘗得一好器
物常以為念何助之云龍曰汝何不悟器劣而獲厚利
豈非吾兒所致耶梁方悚然起拜謝龍曰汝苟能與之
創廟異時又將大獲福矣許之而覺即日呼匠治材立
新祠於舊址其後以亢陽祈禱雨不擇日而降梁之生
理益於昔矣異聞錄天寶中揚州進水心鏡一面清
瑩照日背有盤龍勢如飛動明皇覽而異之進鏡官李
泰曰鑄鏡時有老人自稱姓龍名護引一小童衣黑衣
呼為玄冥至鏡所謂鏡匠呂輝曰老人解造真龍鏡為
汝鑄之局戶三日已失所在爐前獲書一紙歌曰盤龍
盤龍隱於鏡中分野有象變化無窮興雲吐霧行雨生

風上清仙子來獻聖聰呂輝等以五月五日移爐
於楊子江心鑄之背龍頗異後大旱祠之乃雨

困

泥沙

依積水

杜詩泥沙困老龍
又曰龍依積水盤

腹如玳瑁

血

為琥珀

玉海祥符中召輔臣於崇政殿北觀中使任文
慶於茅山郭真人池所獲龍體長二寸許腹如

玳瑁

酉陽雜俎

鹽出鱗間

珠在額下

春渚記聞
宋徽宗時

龍血入地為琥珀

蕭注破南蠻得龍長尺餘以海鹽飼之鹽出
鱗間收取之入藥良

精於目

聽以角

經云龍精於目蓋龍聾故精於目也
雅俗稽言龍身無耳其聽以角

視猶

蜃

化如蠶蛹

淮南精神篇禹方濟於江黃龍負舟
禹視龍猶蜃蛭龍乃弭耳掉尾而逃

下見龍

紫馬足

育蚌胎

酉陽雜俎有白將軍者
嘗於曲江洗馬馬忽跳

一莊子

出驚走前足有物色白如衣帶縈繞數匝遽令解之血流數升白異之遂封紙帖中藏衣箱內一日送客至滄水出以示客客曰盍以水試之白以鞭築地成竅置於其中少頃蠕動泉湧倏忽自盤若一席有黑氣如香煙徑出簷外衆懼曰必龍也遂急歸未數里風雨忽至大震數聲老學庵筆記處士李璞居壽春一日登樓見淮灘雷雨一中一龍騰拏而上雨霽行灘上得一蚌頗大偶拾視之其中有龍盤之迹宛然鱗角爪鬣悉具

髯拂

角釵

杜陽雜編元載有龍髯拂紫色如爛椹可長三尺或風雨晦暝臨流沾溼則光彩動

搖奮然如怒置之堂中夜則蚊蚋不敢入拂之為聲鷄犬牛馬無不驚逸若垂之池潭則鱗介之屬悉俯而至引水於空中則成瀑布三五尺未嘗輒斷燒燕肉薰之則勃勃然若生雲霧又曰大歷中日林國獻龍角釵類玉而紺色上因賜獨孤妃與上同遊龍池有紫雲自釵而生俄頃滿於舟揖上命置之掌上以水噴之遂化

為二龍騰空東去

銜符挂樹

化僧乞食

龍城錄明皇初登極夢二龍銜符自

紅霧中來上大隸姚崇宋璟四字挂之兩大樹上申王曰兩木相也二人當為輔相兆矣上歎異之坪雅廣要由灌陽軍潮牛溪而行百里地境幽絕人迹罕到邑士王趙等世居之一日有僧至乞食食訖假寐於磨上豹豹有聲王出見龍蟠睡訝之既而求一架菜地及展衣覆其處募工匠為巨室遂陷為池嘗以接骨方遺王氏至今成都禱雨必命王氏至潭乞水則雨隨至名其地曰滋茂

德不妄為人莫

學御

坪雅廣要蟲莫智於龍龍之德不妄為者淮南子人莫學御龍而皆學御馬急所用也

出

燕巢

投虎骨

虛谷閒抄有一家於燕巢中忽然五色

巡呼喝於外責其不戢燈燭既入舍不見有火出門望之則火焰亘天旬日聲傳多聚觀其家人懼偶以柱杖

探燕巢中即有一小赤龍子長尺餘墮下鱗甲炳煥老人驚戰速以桐檮藉之焚香禱謝未畢而見一大龍長丈餘自簷屋而入光如列炬燦人瞻視一家震駭竄伏稽顙龍徐徐引其子入自寢室穴屋騰天而去亦不損物其家不三數年墮敗焉嘉話錄南山久旱即以長繩繫虎頭骨投有龍處入水即掣不定俄頃雲起潭中雨亦隨降龍虎敵也雖枯骨猶能激動如此

龍四

原乾象

易

鱗物

周禮

无首

易見羣龍无首吉

有悔

亢

負

圖

神龍負圖出河伏羲受之以其文畫八卦

銜圖

周公沈璧青龍銜出元甲圖

為畜

禮記龍以為畜故魚鮪不忿

改年

漢有龍瑞改年為黃龍

劍化

雷煥子佩豐城劍過

延平津劍躍蛇化史云蛇化為龍不改其文乘水騰雷乘水之蟲鳴

水龍鳴水中不見乃截臥龍諸葛亮隱居人謂蜀先主曰諸葛孔明臥龍也

雕龍言雕鏤如龍文泥蟠淵躍得池中子列仙傳騎龍鳴者渾

亭人池中得龍子如守宮十餘頭養之長非池中物

吳志龍非池中物兩必飛去龍樓龍舟思玄賦棹龍舟而容與蛻蛻

騏驎荀鳴鶴謂陸士龍曰本為雲龍騏驎乃是山鹿野麋增陽精管輅別傳龍者陽精以潛

乎陰幽靈上通和氣感潛靈抱朴子潛靈俟慶雲以騰竦行天

漢平準書天用莫如龍索隱飛天揚子問神篇龍必欲飛天乎曰時飛

則飛時潛則潛潛則蟠乎泥蛭其

九子

潛確類書龍生九子不成

龍各有所好蒲牢好鳴形鐘紐上囚牛好音形胡琴上

碑礪上霸下好負重形碑座上睚眦好殺形刀柄上四種

別行曰有四種龍一天龍守天宮殿持令不落者二神

龍興雲致雨益人間者三地龍決江開瀆者四伏藏龍

守輪王大福人藏者又內五種須彌藏經龍有五種

龍此四種旁類蛇龍三患釋氏書龍有三患一熱風

暴起吹其宮殿失其實飾衣服龍身自現三諸三苦

龍娛樂時金翅鳥王入宮搏撮始生龍子食之三苦

龍又有三苦一雖食百味末後一口化為蝦蟇二夫婦

相交即變為二蛇三背道布鱗砂石生中痛乃連心

三停

會編世傳畫龍有三停九似之說謂自首至膊

眼似鬼項似蛇腹似蜃鱗似

舌如劍

夢溪筆談黑水

魚爪似鷹掌似虎耳似牛

不可制

學林乾純

之夜來山近西有射龍廟在山之

網罟之水不處

人物志神

也故為在天之能變者

雌雄之狀不同

乘異記劉洞微善畫龍一旦有

水雄其狀不同雄者角浪四峭目深鼻豁鬣尖鱗密上壯

下殺朱火熠熠雌者角靡浪平目肆鼻直鬣圓鱗薄尾

毛龍

拾遺記南潯

乃龍也請公觀之遂化雙龍而去

毒龍

博物志唐

陰源其下通地脉中有毛龍毛魚時

天寶中

有

陳仲弓里有井好溺人一日有敬元顗謁曰此井有毒龍殺人昨夜已朝太乙淘之則難免矣命匠入井獲鏡

龍女

柳毅傳毅下第歸至涇陽見一婦牧羊曰妾

姑毀黜至此敢寄尺書於洞庭之陰有大橘樹君擊樹三當有應者毅如言見千門萬戶曰靈虛殿一人取書進之君泣曰老夫之罪使孺弱罹害言未畢有赤龍長萬丈學天而去俄而祥風慶雲幢節玲瓏紅妝千百中有一人即寄書者乃宴毅於碧雲宮辭去後再娶盧氏貌美曰予即洞庭君子涇上之辱君能救之茲奉閨房永以為好同歸

龍母

鶴林玉露士有謁京師龍母廟者見塑像美姿容悅之意為他

日居官安得良匹若是出時乘馬忽見蛇蟠於鞍方駭之乃轡也後獲美除至中道宿旅邸見舍後簾箔內處女往來須臾主人出款敘寒暄動履乃許以姻好遂諧伉儷之任所三載生二子有從婢擔水常棄後桶不食

一日喚婢入室忽雷電大作化為二龍而去

龍窩

夷堅志吳興鄭伯膺監楚州鹽場曹局與海絕

近嘗觀龍挂或為黃金色或為青或白或赤或黑蜿蜒天矯隨雲升降但不覲其頭角土人云最畏龍窩每出則必有漲潦大為鹽鹵之害一旦忽見之乃平地出一巨窟傍穿深竅蓋龍出入處也場衆往視無復踪跡滿穴皆龜鼈螺蚌殼或於蚌內作觀音像姿相端嚴珠璣玲瓏楊枝淨瓶無不具備又於蟹捲內刻一鬼毛髮森立怪惡可怖如是者非一鄭取數物藏之間以示客

龍湫

戎幕閒談蜀城南有龍湫常損入當韋令

時前後運石填之頃之石復失

龍皮扇

開元天寶遺事王元寶家

焉後命道士投簡於內方滿

有一皮扇子製作甚質每暑月宴客即以此扇子置於坐前使新水灑之則颯然風生巡酒之間客有寒色遂命撤去明皇亦嘗差中使取看愛而不受曰此龍皮扇子也

龍精石

南墅閒居錄丁謂有小山

高才數寸蒼翠嵌空盛夏常設盆水置小山於其中一日張宴有客掬水洒之須臾雲霧自竅中出有光如電細視蜿蜒小龍如線挂雲霧中已而散繹蜿蜒亦莫知所之衆客驚異謂曰此龍精石也龍交海上精流於石耳

龍五

增詩北齊蕭慤飛龍引曰河曲銜圖出江山負舟歸欲因作雨去還逐景雲飛引商吹細管下徵泛長徽持此淒清引春夜舞羅衣 陳張正見應龍篇曰應龍未起時乃在淵底藏非雲足不踏舉則衝天翔譬彼野蘭草

幽居常獨香清風播四遠萬里望芬芳隱居可頤志自
見焉得彰 唐李嶠詠龍詩曰銜燭輝幽都含章擬鳳
雛西秦飲渭水東洛薦河圖帶火移星陸騰雲出鼎湖
希逢聖人步庭闕正晨趨 宋歐陽修百子坑賽龍詩
曰嗟龍之知誰可拘出入變化何須臾壇平樹古潭水
黑沈沈影響疑有無四山雲霧忽晝合瞥起直上挐空
虛龜魚帶去半空落雷訇電走先後驅傾崖倒澗聊一
戲頃刻萬物皆滋濡青天却埽萬里靜但見綠野如雲

數明朝老農拜潭側鼓聲坎坎鳴山隅野巫醉飽廟門

闔狼籍烏烏爭殘餘蘇軾起伏龍行曰何年白竹千

鈞弩射殺南山雪毛虎至今顱骨帶霜牙尚作四海毛

蟲祖東方久旱千里赤三月行人口生土碧潭近在古

城東神物所蟠誰敢侮上欹蒼石擁巖竇下應清河通

水府眼光作電走金蛇鼻息為雲擢煙縷當年負圖傳

帝命左右義軒詔神禹邇來懷寶但貪眠滿腹雷霆瘖

不吐赤龍白虎戰明日倒捲黃河作飛雨嗟吾豈樂鬪

兩雄有事徑須煩一怒 韓琦詠龍詩曰育德知何宅

逢辰或見靈配乾雖有象作解本無形決物周寰宇遺
功在杳冥丹青如可狀試下葉公庭 邵雍應龍吟曰

龍者陽類與時相須首出瑞物周遊六虛能潛能見能
吸能呼能大能小能有能無 何夢桂蛟龍歌曰世間
怪物有蛟龍三百六十蟲之長神靈出噓吸變化互來
往布爪曾雲興鼓鬣歛電放無欲不受劉累馴假形豈
被葉公誑時飛則飛潛則潛所以隨時知得喪莫道魚

蝦蟆性不靈相依煦末豈敢嗔江濱鱣鯨久失水聞此鼓
舞威相親安得此身化為雲隨龍上下雲無心 元虞

集龍卵詩曰入眼圓如領下珠也知靈物化生殊淋漓
猶帶元氣溼混沌終含太極初雨施雲行待時至海涵
眷育有神扶明當一躍天池去滂沛恩波及涸魚

原賦魏劉劭龍瑞賦曰太和七年春龍見摩陂行自許
昌親往臨觀形狀瓌麗光色燭耀侍衛左右咸與覩焉
自載籍所紀瑞應之致或祥集於邦國卓犖於要荒未

有若斯之著明也惟殷眺之舊式乃展義而省方皇輿
發於洛邑遂巡幸於許昌憲宸極之天居建正殿以當
陽歲在析木時惟仲春靈威統方勾芒司辰陽升九四
或躍於淵有蜿之龍來遊郊甸應節合義象德效仁紆
體輦縈搞藻布文青耀章采雕琢璘玢燦若羅星蔚若
翠雲光鳥弈以外照水景清而內分聖上觀之無射左
右察之既精聊假物以擬身忽神化而無形象含物而
不澹固保險而常寧昔太昊之初化首帝德以表名暨

明后之隆盛又降見以揚聲惟珍獸之幽真實殊異於
四靈信應龍之道揚將天飛於太清 繆襲青龍賦曰
懿矣神龍其知惟時覽皇代之云為襲九泉以潛處當
仁聖而覲儀應令月之風律照嘉祥之赫戲敷華耀之
珍體耀文采以陸離曠時代以稀出觀四靈而特奇是
以見之者景駭聞之者崩馳觀夫仙龍之為形也蓋鴻
洞輪碩豐盈脩長容姿溫潤蜷迤成章繁虵蚪繆不可
度量遠而視之似朝日之陽邇而察之若列缺之光燭

若鑒陽和映瓊瑤睍若望飛雲曳旌旗或蒙翠岱或類
流星或如虹霓之垂耀或似紅蘭之芳榮煥璘彬之瑰
異實皇家之休靈奉陽春而介福賚萬國之嘉禎 晉
劉琬神龍賦曰大哉龍之為德變化屈伸隱則黃泉出
則升雲賢聖其似之乎惟天神上帝之馬含胎春夏房
心所作軒照形角尾規矩 增唐潘炎黃龍再見賦曰
非同上天之五蛇有異渡江之一馬秦夢立乎廊時漢
時見於成紀彼皆一至此則重光錯甲鏤鱗分宮紀號

超紫鳳於丹穴越青鸞於女牀 白居易黑龍飲渭水

賦曰爾其矯首陸梁拖尾迴翔蹈流鳴躍劈波騰驤飲
清瀾之澹澹噴素浪之湯湯頓頷而碎珠迸落奮髯而
細雨飛揚驚水族則鱣鮪奔走駭泉室則鼇鼉伏藏信
可符帝王之度叶邦家之光表三秦之嘉瑞呈二漢之
禎祥 宋王安石龍賦曰龍之為物能合能散能潛能
見能弱能強能微能章惟不可見所以莫知其向惟不
可畜所以異於牛羊變而不可測動而不可馴則常出

乎害人而未始出乎害人夫此所以為仁為仁無止則
常至乎喪已而未始至乎喪已夫此所以為智止則身
安曰惟知幾動則物利曰惟知時然則龍終不可見乎
曰與為類者嘗見之

原贊晉郭璞燭龍贊曰天缺西土龍銜火精氣為寒暑
眼作昏明身長千里可謂至靈又曰龍魚一角似鯉
居陵俟時而出神靈攸乘飛驚九域乘雲上升

原銘晉傅休奕龍銘曰麗哉神龍誕應陽精潛景九淵

飛躍天庭屈伸從時變化無形偃伏汙泥上凌太清
原表魏曹植表曰臣聞鳳皇復見於鄴南黃龍雙出於
清泉聖德至理以致嘉瑞將棲鳳於林園龍於池為百
姓旦夕之觀也

原序魏繆襲青龍賦序曰蓋青龍者火辰之精木官之
瑞

增雜著唐韓愈雜說曰龍噓氣成雲雲固弗靈於龍也
然龍乘是氣茫洋窮乎淵間薄日月伏光景感震電神

變化水下土汨陵谷雲亦靈怪矣哉雲龍之所能使為
靈也若龍之靈則非雲之所能使為靈也然龍弗得雲
無以神其靈矣失其所憑依信不可與異哉其所憑依
乃其所自為也易曰雲從龍旣曰龍雲從之矣 柳宗
元謫龍說曰扶風馬孺子言年十五六時在澤州與羣
兒戲郊亭上頃然有奇女墮地有光熠然被緗裘白紋
之裏首步搖之冠貴游少年駭且悅之稍狎焉女頰爾
怒曰不可吾故居鈞天帝宮下上星辰呼噓陰陽薄蓬

萊羞崑崙而不即者帝以吾心侈大怒而謫來七日當復今吾雖辱塵土中非若儷也吾復且害若衆恐而退遂入居佛氏講室焉及其進取杯水飲之噓成雲氣五色脩脩也因取裘反之化為白龍徊翔登天莫知其所終亦怪甚矣嗚呼非其類而狎其謫不可哉孺子不妄人也故記其說 宋沈存中彭蠡小龍記曰彭蠡小龍顯異至多人人能道之一事最著熙寧中王師南征有軍仗數十船泛江而南自離真州即有一小蛇登船船

師識之曰此彭蠡小龍也當是來護軍仗耳主典者以
潔器薦之蛇伏其中船乘便風日棹數百里未嘗有波
濤之恐不日至洞庭蛇乃附一商人船回南康世傳其
封域止於洞庭未嘗踰洞庭而南也有司以狀聞詔封
神為順濟王遣禮官林希子致詔至祠下焚香畢空中
忽有一蛇墜祝肩上祝曰龍君至矣甚重一辭不能勝
徐下至几案間首如龜不類蛇首也子中致詔意曰使
臣至此齋三日然後致祭王受天子命不可以不齋戒

蛇受命徑入銀香奩中蟠三日不動祭之日既酌酒蛇乃自奩中引首吸之俄出循案行色如溼臘脂爛然有光穿一剪綵花過其尾尚赤其前已變為黃矣正如雌黃色又過一花復變為綠如嫩草之色少頃行上屋乘紙幡脚以行輕若鴻毛倏忽不見明日還蛇在船後送之踰彭蠡而回此龍常遊舟楫間與常蛇無辨但蛇行必蜿蜒而此乃直行江人常以此辨之

螭

增說文曰若龍無角而黃北方謂之土螻 宋程大昌

演繁露曰螭魚四足長尾鱗成五色頭似龍無角 呂

覽孔子曰螭遊乎清而食乎濁 淮南子覽冥篇曰今

夫赤螭青虬之遊冀州也天清地定嗜味含甘步不出

頃畝之區而蛇鰈輕之以為不能與之爭於江海之中

若乃至於玄雲之素朝陰陽交爭降扶風雜凍雨扶搖

而登之感動天地聲振海內蛇鰈著泥百仞之中 漢

書揚雄客難云夫翠蚪絳螭之將登乎天必聳身於蒼

梧之淵不階浮雲翼疾風虛舉而上則不能櫟膠葛騰

九閼拾遺記曰崑崙山第三層有螭潭百里多龍螭

皆白色千歲一蛻其五臟此潭左側有五色石云是白

螭之腸化為石淮南子曰前白螭後賁蛇楚詞曰

與汝遊乎九河衝風起兮橫波乘水車兮荷蓋駕兩龍
兮驂螭又曰駕青虬兮驂白螭吾與重遊兮瑤之圃

高唐賦曰乘玉輿兮駟蒼螭漢郭憲洞冥記曰武

帝好微行於長安城西夜見一螭遊於路董謁曰昔桀

媚末喜置於膝上以金簪貫玉螭腹為戲今螭腹餘金
簪穿痕安知非此耶古曰白龍魚鱗網者食之帝曰試
我也 唐柳宗元愬螭文曰零陵城西有螭室於江法
曹史唐登浴其涯螭牽以入一夕浮水上吾聞凡山川
必有神司之抑有是耶於是作愬螭投之江

蛟一

原說文曰蛟龍屬也魚滿三千六百則蛟為之長率魚
而飛去 增又曰無角曰蛟 埤雅曰蛟骨青 又曰

蛟能交首尾束物故謂之蛟俗呼馬絆以此一說蛟尾有肉環束物則以首貫之述異記曰蛟眉連生連生則蛟矣相書所謂交眉則蛟蜃之眚是也原月令曰

季秋伐蛟

鄭氏謂蛟言伐者以其有兵衛也

易緯通卦驗曰震東方

也至春分日出青氣也出直震此正氣也氣出右萬物半死氣出左蛟龍出增家語曰竭澤而漁則蛟不處

其淵淮南子曰一淵不兩蛟原山海經曰蛟似龍

蛇而小頭細頸頸有白嬰大者十數圍卵生子如三斛

甕能吞人 增又曰禱過之山浪水出焉其中有虎蛟
其狀魚身而蛇尾其音如鴛鴦食者不腫可以已痔

原王韶之始興記曰雲水源有湯泉下流多蛟害厲濟
者遇之必笑而沒 增輿地志曰河間滹沱河水嘗有
蛟入五月恒暴遂變為人於岸上與人並行至懸岸處
推輿俱下 裴淵廣州記曰新寧縣東溪甚饒蛟及時
害人曾於魚梁上得之其長丈餘形廣如楯修頸小頭
胸前赭背上青斑脇邊若錦 唐陸禔續水經曰蛇雉

遺卵於地千年而為蛟其出殼之日害於一方洪水飄
蕩吳人謂之發洪 述異記曰虺五百年化為蛟蛟千
年化為龍 唐子西語錄曰思州有潭虎飲水其上蛟
尾而食之故東坡詩曰潛鱗有餓蛟掉尾取渴虎 墨
客揮犀曰蛟之狀如蛇其首如虎長者至數丈多居溪
潭石穴中聲如牛鳴岸行或溪谷者時遭其害見人先
以腥涎繞之既入水即於腰下吮其血血盡乃止昔有
舟人為蛟所毒但見於水上嬉笑而入明日尸出兩腋

有穴如杯焉 星禽術法分配二十八宿而以角木蛟
居首 翻譯云梵言宮毗羅蛟也 韓愈秋懷詩曰其
下澄秋水有蛟寒可冒 柳宗元詩幽窟潛神蛟 李
沈夢仙謠曰臨池靜聽雌蛟啼 蘇軾赤壁賦曰舞幽
壑之潛蛟 孫覲詩云老蛟怒起挐雲立

蛟二

增拾遺記曰唐堯時懷山為害大蛟縈天縈天則三河
俱溢海瀆同流 又曰舜受堯禪有孝讓之國執玉帛

來朝其國至億萬之年山一輪海一竭魚蛟陸居有赤
鳥如鵬以翼覆蛟魚之上蛟以尾叩天求雨魚吸日之
光冥然則暗如薄蝕矣 博物志曰澹臺子羽賁千金
之璧渡河河伯欲之陽侯波起兩蛟夾船子羽左操璧
右操劍擊蛟皆死旣濟三投璧於河河伯三躍而歸之
子羽毀璧而去 原韓詩外傳曰東海有勇士菑丘訢
過神泉飲馬其僕曰飲馬此者馬必致死飲馬果沈訢
拔劍而入三日三夜殺二蛟而出雷神隨而擊之眇其

左目 呂氏春秋曰荆有攸飛者得寶劍還涉江有兩
蛟夾繞其船攸飛拔劍赴江刺蛟殺之荆王聞之仕以
執珪 漢書曰武帝元封五年帝自潯陽江親射蛟江
中獲之 增拾遺記曰漢昭帝嘗遊渭水使羣臣漁釣
為樂時有大夫任緒釣得白蛟長三丈若大蛇無鱗甲
頭有一角長二尺牙出唇外帝曰此魚鮠之類非珍祥
也乃命大官為鮓肉紫骨青味甚美帝後思之使冒者
復覓終不得也 原潯陽記曰城東門通大橋常有蛟

為百姓害董奉疏一符與水中少日見一蛟死浮出

增列仙傳曰馬明生捕蛟為蛟所傷道間見一神女以肘後管中一九藥與服即愈隨女入岱宗山石室金牀玉几安期生從六七仙人見神女稱下官請陽九百六之數神女曰自頃四海水減溟湖成山連城之鯨萬丈之蛟不達於海惟叩天索水詞訟紛紜有干上府三官煩于省察司陰亦疲於謹案矣 新書曰曹公幼而智勇年十歲常浴於譙水有蛟來逼自水奮擊蛟乃潛退

於是畢浴而還弗之言也後有人見大蛇奔逐操笑之
曰吾為蛟所擊而未懼斯畏蛇而恐耶衆問乃知咸驚
異焉 吳記曰吳大帝赤烏三年七月有王述者採藥
於天台山時熱息橋下忽見溪中有一小青童長尺餘
執一青蒲而乘赤鯉魚徑入雲中漸漸不見述良久登
峻巖四望見海上風雲起頃刻雷電交鳴俄然將至述
懼伏於虛樹中天霽又見所乘之赤鯉小童還入溪中
乃黑蛟耳 原世說曰周處年少時凶強俠氣為鄉里

所患又義興水中有蛟山中有虎並皆犯暴百姓謂為
三橫而處旣刺殺虎又入水殺蛟蛟或浮或沒行數十
里處與之俱三日三夜鄉中皆謂處死更相慶賀處竟
殺蛟而出自是改勵遂為忠臣孝子 增異苑曰承陽
人李增行經大溪見兩蛟在川引弓射之中一即死增
歸因復出市有一女子素服銜涕捉所射箭增怪之問
焉荅曰何用問為若是君箭便以相還授矢而滅增怒
而驟返未達家暴死於路 幽明錄曰晉安帝隆安初

曲阿民謝盛乘船入湖採菱見一蛟來向船船迴避蛟
又從其後盛便以叉殺之懼而還家經年無患至元興
中普天亢旱盛與同旅數人步至湖中見先叉在地拾
取之云是我叉人問其故具以實對行數步乃得心痛
還家一宿便死 襄陽耆舊傳曰晉鄧遐字應遠勇力
絕人氣蓋當時為襄陽太守城北沔水中有蛟嘗為人
害遐遂拔劍入水蛟繞其足遐揮劍截蛟流血江水為
之俱赤因名曰斬蛟渚亦謂之斬蛟津 續搜神記曰

長沙有人家住江邊有女子渚上澣紗覺身中有異復
不以為患遂娠身生三物皆如鰕魚甚憐異之乃著藻
槃水中養之經三月此物遂大乃是蛟子字大者為當
洪次者名被祖小者為操岸天暴雨水三蛟一時俱出
遂失所在後天欲雨此物輒來女亦知當來便出望之
蛟子亦出頭望母良久方復去後女亡三蛟子至其墓
所哭之徑日乃去聞其哭聲狀如號犬 又曰安城平
都縣尹氏居在郡東十里日黃屯尹佃舍在焉元嘉二

十三年六月中尹兒年十三守舍見一人年可二十許
騎白馬張繖及從者四人衣並黃色俱從東方而來於
門呼尹來暫寄息因入舍中庭下坐牀一人捉繖覆之
尹兒看其衣悉無縫馬五色斑似鱗甲而毛有頃雨氣
至此人上馬去顧尹兒曰明日當更來尹兒觀其去西
行躡虛而漸升須臾雲四合白晝為之晦明日大水暴
出山谷沸涌丘壑森漫將淹尹舍忽見大蛟長三丈餘
盤屈庇其舍道焉方輿勝覽曰趙昱常隱青城山隋

煬帝起為嘉州太守時犍為潭中有老蛟為害昱率甲士千人夾江鼓噪昱持刀入水有頃潭水盡赤昱左手提蛟頭右手持刀奮波而出 明皇雜錄曰開元中有黃門奉使自交廣而至方拜舞於殿下時國醫紀周顧之謂上曰此人腹中有蛟龍明日當產二子則不可活也上驚問黃門曰有疾否曰臣馳馬大庾嶺時當大熱既困且渴於路旁飲野泉遂腹中堅痞如石周即以滑石雄黃煮而飲之立吐一物不數寸其大如指細視之

鱗甲俱備

龍城錄曰賈宣伯有神藥能治三蟲吳江

有怪土人謂蛟為害宣伯以數刀圭投潭中明旦老蛟
死浮於水 北夢瑣言曰王蜀先主時修斜谷閣道鳳

州衙將白某掌其事焉至武休潭見一婦人浮水而來
意其溺者命役夫鉤至岸濱忽為大蛇沒入潭中白以
為不祥因而致疾愚為誦岑參賦云瞿塘之東下有千
歲老蛟化為婦人彩服靚妝游於水濱白公聞之方悟
蛟也厥疾尋瘳又內官宋愈昭自言於柳州江岸為二

三女人所招里民呼而止之亦蛟也

王鞏聞見近錄

曰張元許州人也客於長葛間以俠自任縣河有蛟長數丈每飲水轉橋下則人爲之斷行一日蛟方枕大石而飲元自橋上負石中蛟宛轉而死血流數里 埤雅廣要曰宋寶祐丁巳夏邵武軍管下市中有開食店者因買魚得一白鱔始則甚小極愛惜之每日飼以餅之屬逐日長大遂放於十字街巨井中越一年忽一日井內有火燄兩條射出井外衆窺之乃自白鱔兩目中來

而其身已如巨木因此淫雨不止天氣昏黑白鱉忽自井中騰空而去井水迸漲四郊洪水驟至棟宇俱沒有人避水於高樓者皆聞空中有人喝云滿也未如是者二其時罹水厄死者甚衆宋史洪邁曰黃河之南陽武下埽在汴京西北數為湍潦所敗金皇統中嘗決溢發卒塞之朝成夕潰汴宇募能沒者探水底一漁叟自言能潛伏一晝夜遂命備牢醴先祭河神然後遣之入半日而出曰下有長蛟為害故埽不能堅非殺之不可

須得寶劍乃濟蛟方熟寢於百尺之淵斬之易也守取
鎮庫古劍付之將入又言曰願集衆舟於岸澣以相俟
至午水變赤色則令至中流及期水赤漁叟携蛟頭奮
而登舟洪流陡落守欲奏以武爵辭不受多與金帛亦
辭旋踵而死守為立祠於其處請於朝封為四將軍靈
應甚著訪漁之家無有知者亦不曾詢其姓氏識者疑
為神云 潛確類書曰元嚴子忠汀洲人遣僕入山掘
筍雷電大作樹下一窟有物如犬而長其聲如雷僕揮

鋤擊之而斃人謂之山蛟再積五百年則為龍矣

蛟三

增裂山

潛窟

蛟不能降雨而能裂山
下詳柳宗元詩

縈天

得水

上詳

蛟二拾遺記

歐陽詢傳詢嘗書千文周越

四足

題云所謂旱蛟得水竟走穴尚不虛耶

一角

蕪湖有蝦蟇蝦蟇老蛟也似蛇四足能害人賈生所謂蝮蝦蟇以隱處者也
下詳蛟二拾遺記

龍屬

雉化

上詳蛟一說文
通雅
蝮即蛟也雉入水化之

蛟妾

蛟人

述異

記夏桀之末宮中有婦人化為龍俄復為婦人甚麗而食人命為蛟妾告桀以吉凶之事
洞冥記文犀國人長七尺披髮至踵乘象入海底宿蛟人之舍夕得淚珠則蛟人所泣淚而成珠也

蛟四

增詩宋梅堯臣詩曰橋邊三尺劒江上六鈞弧漢武帝
何在周將軍已無織綃深有室泣淚自為珠誰謂九淵
害人猶能爾圖

增賦唐獨孤授漢武帝射蛟賦曰何彼蛟之天矯據積
水之空濶謂飲飛之劒莫前滅明之璧是奪一旦突紫
肉裂素纓餘怒蚴蜉上浮洪澄踣質已靡於巨艦流血
方走乎東瀛介以鱗莫得捍七札之勁神之化不能保

重泉之生萬靈震駭九派徐清

原贊晉郭璞蛟贊曰匪蛇匪龍鱗采輝煥騰躍波濤蜿
蜒江漢漢武飲羽飲飛疊斷

蜃一

增蜃蛇類也 雜兵書曰渭水出氣如蜃蜃形似蛇而
大腰以下鱗盡逆一曰狀似螭龍有耳有角背鬣作紅
色噓氣成樓臺望之丹碧隱然如在煙霧高鳥倦飛就
之以息喜且至氣輒吸之而下今俗謂之蜃樓將雨即

見史記唇氣成樓臺即此是也世云雉與蛇交而生蜃
蓋得其脂和蠟為燭香聞百步煙出其上皆成樓閣之
狀矣 筆談曰登州海中時有雲氣如宮室臺觀城堞
人物車馬冠蓋之狀謂之海市或云蜃蛟之氣 物類
相感志曰唇龍也如池井間有之則吐氣為雨今吳山
陰井泉不竭者蓋有焉 埤雅廣要曰蛇化為蜃似蛟
無足

蜃二

增十二真君傳曰許真君遜遇一少年儀容修整自稱
慎郎許君知為蛟蜃之精謂門人曰吾念江西累為洪
水所害若不剪戮恐致逃遁蜃精知之潛於龍沙州化
為黃牛真君亦化為黑牛而以手巾挂膊別之令弟子
施太玉揮劒中其左股因投入城西井中從此井徑歸
潭州仍化為美少年以珍寶財貨數萬娶刺史賈玉女
真君見賈曰聞君有貴壻請見之賈令出見慎郎託病
潛藏真君厲聲曰江湖害物老魅焉敢遁形於是復變

本形宛轉堂下為吏人所殺真君又以水喚其二子即
化為小蜃因勸賈玉速移俄頃之間官舍崩沒 太平
廣記曰徽歛黃墩湖有蜃嘗與呂湖蜃鬪湖之近邨有
程靈詵者好勇善射夢蜃化為道人告之曰吾為呂湖
蜃所厄君其助我我必厚報東白練者我也明日靈詵
與邨少年鼓噪湖邊須臾波濤湧激聲似雷霆見二牛
相馳其一甚困而腹肋皆白靈詵射中後蜃水變成血
其傷蜃歸呂湖未到而斃

蜃三

增賦唐王起蜃樓賦曰霧歇煙銷雲歸月朗千里目極
八紘心賞惟錯之類咸伏陽侯之波無響音於是吐氛氲
騰泱泱隱隱迥出亭亭直上乍明乍滅舒渤澥而新鮮
若合若離結麗樵而博敞

御定淵鑑類函卷四百三十八

謹案卷四百三十八第十頁後八行嗟吾豈樂鬪
兩雄刊本鬪訛聞據東坡集改



總校官庶吉士臣張能照

校對官檢討臣王福清

謄錄監生臣閻學澄

謄錄監生臣王世臣